

A xornalista e guionista Araceli Gonda Cabreira protagoniza a TERTULIA de abril do IEM.

Escrito por Redaccion @valminorinfo
Xoves, 31 Marzo 2011 21:09



A xornalista e guionista Araceli Gonda Cabreira protagonizará unha nova TERTULIA do IEM este venres 1º de abril. Natural da parroquia gondomareña de Morgadáns, Araceli Gonda foi presentadora de Deportes no Telexornal da TVG. Na actualidade centra a súa actividade na elaboración de guións e en impartir aulas de "Guión e Edición Audiovisual" na Facultade de Xornalismo da USC. Elaborou guións tanto de programas de deporte como de moitas das series máis coñecidas da TVG como "A vida por diante", "Terra de Miranda", "4º sen ascensor" "Os Atlánticos" ou, na actualidade "Padre Casares". Tamén é guionista da exitosa "18 comidas" xunto ao seu director Jorge Coira e Diego Ameixeiras. A xornalista tamén é colaboradora do IEM na organización e desenvolvemento do Premio de Poesía Victoriano Taibo.

Araceli Gonda será presentada pola enxeñeira de telecomunicacións, natural de Gondomar Esther Fernández Otero. O faladoiro dará comezo ás 20:30h. na Aula de Cultura Ponte de Rosas (Avda. da Feira 10, Baixo, Gondomar). Ao remate do faladoiro haberá unha cea coa convidada que terá lugar no Pazo da Escola de Mañufe Para asistir á mesma é necesario facer reserva polo que os interesados deben facelo no 986 360 575 (polas tardes) ou no 680644490.